



# Շուշանիկ Կուրդիւնյան

Ինչու . . .

Այնտեղ՝ խրախճանք շեն պալատներում,  
Ոսկի և արծաթ,  
Մեղաններ առատ,  
Չարն է անպատիժ, դավերին՝ ներում,  
Վշտերից՝ անտես,  
Բախտը ժպտերես:

Այստեղ՝ սև կարիք, ճնշում, մաշող սով,  
Որբերի լաց, կոծ,  
Քաղցածներ անգործ .  
Լքած գերիներ, շնչող լոկ հուսով,  
Ստրուկ և անբախտ .  
Կործանիչ ժանտախտ:

Այնտեղ՝ շքեղ փառք, անարժան պատիվ,  
Ձեռքեր արյունոտ,  
Խղճեր մրուրոտ,  
Լիրբ շվայտության մոլություն անթիվ  
Տեր ու տիրական,  
Եվ տենչեր վարձկան . . .

Այստեղ՝ կախաղան, արքայ, բանտ, մտրակ,  
Կյանքի սև գիշեր,

Տրորած լեշեր.  
Բողոք, անեծք, ճիշ բռնի լծի տակ,  
Արցունք ամեն օր,  
Զրկանք ահավոր . . .

Այնտեղ՝ փափկասուն, սպիտակ ձեռքեր  
Կյանքից հղիացած,  
Փորեր յուղ կապած .  
Միրո, հեշտանքի շոայլ հաճույքներ,  
Ինքնիշխան, անկախ,  
Ամենքից անվախ . . .

Այստեղ՝ կոր թիկունք, ձեռքեր կոշտացած  
Եվ ծախվածների,  
Փոր հացի գերի  
Ագահ հայացքներ, խոնավ, անլույս, ցած,  
Խարխլած նկուղ՝  
Մարդը՝ անպտուղ:

Ինչո՞ւ . . . ո՛վ աստված, ինչո՞ւ այս ամեն  
Անարդար վիճակ  
Եվ նույն երկնի տակ,  
Նույն հողի վրա, միևնույն հյուրեն  
Չկա հավասար  
Ոչ մի գործ արդար . . .

1907 թ . , 5 ապրիլի